

U B986 AAB
UMNO - MENANG

KUALA LUMPUR, 24 APRIL (BERNAMA) -- DATUK SERI DR MAHATHIR MOHAMAD DAN ENCIK GHAFAR BABA YANG TERPILIH SEBAGAI PRESIDEN DAN TIMBALAN PRESIDEN UMNO MERAYAKAN KEMENANGAN MEREKA DENGAN MEMOTONG KEK.

PADA KEK ITU TERTULIS +TAHNNIAH KEPADA UMNO DI BAWAH PIMPINAN MAHATHIR.+

MEREKA JUGA DIJULANG OLEH PARA HADIRIN YANG BERADA DI PERKARANGAN SERI PERDANA, KEDIAMAN RASMI PERDANA MENTERI SERTA MENYANYIKAN LAGU RASMI UMNO.

BUNGA API DIBAKAR UNTUK MEMERIAHKAN LAGI SUASANA MALAM ITU YANG SEBELUMNYA HUJAN LEBAT.

MEREKA YANG TURUT MERAYAKAN KEMENANGAN DATUK SERI DR MAHATHIR DAN ENCIK GHAFAR IALAH DATUK SERI DATIN PADUKA DR SITI HASMAH MOHAMED ALI DAN ANAK-ANAK MEREKA.

JUGA HADIR IALAH MENTERI PELAJARAN, ENCIK ANWAR IBRAHIM, MENTERI WILAYAH PERSEKUTUAN, DATUK ABU HASSAN OMAR, MENTERI BESAR PAHANG, DATUK KHALIL YAAKOB, KETUA MENTERI MELAKA, DATUK SERI RAHIM THAMBY CHIK, MENTERI BESAR KELANTAN, DATUK MOHAMED YAACOB DAN MENTERI PERUSAHAAN AWAM, DATIN PADUKA RAFIDAH AZIZ. -- BERNAMA.
0130MST 25 04 87